



BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
MINISTARSTVO ZA OBRAZOVANJE, MLADE,
NAUKU, KULTURU I SPORT

BOSNIA AND HERZEGOVINA
FEDERATION OF BOSNIA AND HERZEGOVINA
BOSNIAN-PODRINJE CANTON GORAŽDE
MINISTRY OF EDUCATION, YOUTH, SCIENCE,
CULTURE AND SPORT

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
БОСАНСКО-ПОДРИЊСКИ КАНТОН ГОРАЖДЕ
МИНИСТАРСТВО ЗА ОБРАЗОВАЊЕ, МЛАДЕ,
НАУКУ, КУЛТУРУ И СПОРТ

Broj: 10-14-596-3/14

Goražde, 21.03.2014.godine

Na osnovu člana 12. Zakona o kantonalnim ministarstvima i drugim tijelima kantonalne uprave («Službene novine Bosansko-podrinjskog kantona Goražde», broj: 9/013 i 13/13) a u skladu sa Programom utroška sredstava iz Budžeta Ministarstva za obrazovanje, nauku, kulturu i sport sa ekonomskog koda 614 200 Tekući transfer pojedincima - za mlade za 2014. godinu broj: 10-14-596-2/14 od 20.02.2014. godine, Ministarstvo za obrazovanje, mlade, nauku, kulturu i sport Bosansko-podrinjskog kantona Goražde, *r a s p i s u j e*:

JAVNI POZIV

za prijavu prijedloga projektnih aktivnosti za učešće u Programu utroška sredstava iz Budžeta Ministarstva za obrazovanje, mlade, nauku, kulturu i sport Bosansko - podrinjskog kantona Goražde sa ekonomskog koda 614 200 – Tekući transfer pojedincima - za mlade za 2014. godinu

I. Predmet javnog poziva

Predmet javnog poziva je dodjela novčanih sredstava za finansiranje projektnih aktivnosti mladih kao pojedinaca u svrhu aktivnog uključenja u pitanja od interesa za život, položaj i djelovanje mladih ljudi na području Bosansko - podrinjskog kantona Goražde i razvoj Bosansko - podrinjskog kantona Goražde, a što je osnovni cilj Programa utroška sredstava iz Budžeta Ministarstva za obrazovanje, mlade, nauku, kulturu i sport Bosansko-podrinjskog kantona Goražde sa ekonomskog koda 614 200 – Tekući transfer pojedincima - za mlade za 2014.godinu (u daljem tekstu: Program).

II. Pravo prijave na javni poziv

Pravo prijave po jednog prijedloga projektnih aktivnosti na javni poziv imaju mladi sa područja Bosansko - podrinjskog kantona Goražde u životnoj dobi od 15 do 30 godina starosti, koji imaju visoku stručnu spremu adekvatnu za provođenje tema utvrđenih posebnim kriterijima ovog javnog poziva i koji se nalaze na evidenciji Službe za zapošljavanja Bosansko – podrinjskog kantona Goražde.

III. Kriteriji

Da bi predložene projektne aktivnosti bile finansirane moraju zadovoljiti određene Kriterije utvrđene u Programu a isti su navedeni u nastavku ovog javnog poziva.

Kriteriji prihvatljivosti za učešće u Programu (opći i posebni)

Prijedlozi projektnih aktivnosti se najprije razmatraju kako bi se utvrdilo odgovaraju li u potpunosti sa općim kriterijima prihvatljivosti za učešće u Programu ali i posebnim kriterijima prihvatljivosti za učešće u Programu.

Opći kriteriji

Prihvatljivi su oni prijedlozi projektnih aktivnosti koji / čiji:

- su podneseni poštom u ovim Programom predviđenim rokovima odnosno Javnim pozivom za prijedloge aktivnosti koje se dostavljaju putem javnog poziva, (prema datumu slanja naznačenom na pošiljci ili prijemnom pečatu Ministarstva),

- su predani koristeći obrazac on –line prijave,
- u sklopu prijave imaju sve potrebne priloge, ispis on –line prijave i tražene dokumente a neće se razmatrati nepotpune i neispravno popunjene prijave te koje ne stignu u propisnom roku,
- su predlagači u potpunosti ispunili prijavu a neće se razmatrati prijave ispunjene rukom,
- su predlagači sa prebivalištem ili boravištem duže od šest mjeseci na području Bosansko - podrinjskog kantona Goražde,
- su predlagači dostavili Diplomom o završenom visokom obrazovanju (ovjerena kopija),
- su predlagači dostavili transakcijski račun otvoren u banci,
- su predlagači dostavili potvrdu da se nalaze na evidenciji Službe za zapošljavanje Bosansko - podrinjskog kantona Goražde.

Posebni Kriteriji

- Podrška projektnim aktivnostima koje imaju za cilj organizovanje aktivnosti koje razvijaju pozitivne stavove i vještine, organizovanje edukativnih radionica, predavanja, edukacija, okruglih stolova, panel diskusija i sl. za djecu u vrtićima i učenike od I do V razreda u osnovnim školama sa područja Bosansko - podrinjskog kantona Goražde na teme iz sporta i tjelesnog odgoja, geografije, turizma, historije, predškolskog odgoja, zdrave ishrane i stomatologije.
- Podrška projektnim aktivnostima koje imaju za cilj organizovanje aktivnosti koje razvijaju pozitivne stavove i vještine, organizovanje edukativnih radionica predavanja, edukacija, okruglih stolova, panel diskusija i sl. za učenike od VI do IX razreda u osnovnim školama i za učenike u srednjim školama sa područja Bosansko - podrinjskog kantona Goražde na teme iz žurnalistike, javne uprave, međunarodnih odnosa, socijalnog rada, pedagogije, turizam i zaštita okoline, zdrave ishrane.

Kriteriji ne prihvatljivosti za učešće u Programu

Neprihvatljivi su oni prijedlozi projektnih aktivnosti koji / čiji:

- su na drugi način ostvarili finansiranje iz Budžeta Bosansko - podrinjskog kantona Goražde,
- imaju jedinu svrha korist za direktnog korisnika,
- predlagač ne ispunjava Kriteriji prihvatljivosti za učešće u Programu (opće kriterije i posebne kriterije).

Selekcijski Kriteriji

Selekcijski kriteriji čine osnov za procjenu kvaliteta predlagača projektnih aktivnosti. Oni sadrže elemente kvaliteta i kvantiteta, od kojih svaki nosi određen broj bodova na način kako je to definisano u Programu. U tom smislu CV osobe odgovorne za provođenje projektnih aktivnosti treba biti dostavljeni kao dio prijave.

Bodovni Kriteriji

Bodovni kriteriji čine osnov za procjenu kvaliteta prijedloga projektnih aktivnosti. Oni sadrže elemente kvaliteta i kvantiteta, od kojih svaki nosi određen broj bodova na način kako je to definisano u Programu.

IV. Odabir korisnika i dodjela sredstava

Sve dostavljene prijedloge projektnih aktivnosti pregleda i ocjenjuje Komisija imenovana od strane Ministrice za obrazovanje, mlade, nauku, kulturu i sport. Komisija daje Ministarstvu za obrazovanje, mlade, nauku, kulturu i sport Bosansko-podrinjskog kantona Goražde prijedlog o raspodjeli sredstava, predlaže listu predlagača ili projekata koji zaslužuju pomoć na osnovu postignutih bodova i raspoloživih sredstava, te sačinjava Obavještenje za sve predlagače prijedloga projektnih aktivnosti sa mogućnošću prigovora Ministarstvu za obrazovanje, mlade, nauku, kulturu i sport Bosansko-podrinjskog kantona Goražde. Konačnu raspodjelu sredstava sa utvrđenom listom predlagača ili projekata donosi Vlada Bosansko-podrinjskog kantona Goražde na prijedlog Ministarstva za obrazovanje, mlade, nauku, kulturu i sport Bosansko-podrinjskog kantona Goražde.

V. Obrazac prijave

Obrazac prijave je sastavni dio Javnog poziva.

VI. Preuzimanje Javnog poziva

Javni poziv sa obrascem prijave može se preuzeti na internet stranici Ministarstva za obrazovanje, mlade, nauku, kulturu i sport Bosansko - podrinjskog kantona Goražde www.mo.bpkg.gov.ba i internet stranici Vlade Bosansko - podrinjskog kantona Goražde www.bpkg.gov.ba te u prostorijama Ministarstva za obrazovanje, mlade, nauku, kulturu i sport Bosansko - podrinjskog kantona Goražde (ulica 1. slavne višegradske brigade broj 2a Goražde, soba broj 24.)

VII. Rok za podnošenje prijava

Rok za podnošenje prijava prijedloga projektnih aktivnosti za učešće u Programu je do 21.04.2014. godine na adresu:

Bosansko – podrinjskog kantona Goražde
Ministarstvo za obrazovanje, nauku, kulturu i sport
(Komisija za pregled i ocjenu prijedloga projektnih aktivnosti)
I Slavne višegradske brigade 2a
Goražde

Sa naznakom:

**«NE OTVARAJ –PRIJAVA ZA JAVNI POZIV – GRANTOVI NEPROFITNIM
ORGANIZACIJAMA - ZA MLADE ZA 2014 GODINU»**

VIII. Način objave

Javni poziv se objavljuje u elektronskim medijima na području Bosansko – podrinjskog kantona Goražde, službenoj internet stranici Vlade Bosansko – podrinjskog kantona Goražde kao i oglasnoj ploči Bosansko – podrinjskog kantona Goražde.

IX. Prezentacija

Prezentacija ovog javnog poziva od strane Ministarstva za obrazovanje, mlade, nauku, kulturu i sport Bosansko - podrinjskog kantona Goražde održat će se dana 25.03.2014. godine (utorak) u sali Skupštine Bosansko - podrinjskog kantona Goražde, sa početkom u 10. sati.

X. Ostale odredbe

Eventualne uplate poreza i doprinosa padaju na teret odobrenih sredstava.

Ministarstvo za obrazovanje, mlade, nauku, kulturu i sport Bosansko - podrinjskog kantona Goražde zadržava pravo poništenja ovog javnog poziva do odabira korisnika sredstava, bez obaveza pismenog ili usmenog obrazloženja kao i bez obaveza snošenja troškova za podnošenje prijedloga projektnih aktivnosti po ovom pozivu.

MINISTRICA

Azra Kuljuh